

近代中國史料叢刊
沈雲龍

游戎

江蘇工業學院圖書館藏
塞藏書

日記

黃明亮著

文海出版社有限公司印行

中華民國六十年十月初版

近代中國史料叢刊 第六十九輯

精裝：十冊
定價：新台幣



版權所有

主編者：沈雲龍

發行人：李振華

出版者：文海出版社有限公司
臺北縣永和鎮中興街99巷8號

郵政劃撥第二七八四號
電話：九二一六五九號

印刷者：金氏印刷有限公司
臺北市長安東路二段66號
經銷者：全省各大書局

本公司經內政部核准登記證為內版台業字第〇八〇〇號

黃杏村遊戎出塞日記

出塞日記

南海黃明亮杏村氏著

同治六年歲次丁卯由魯省出塞招募東三省馬隊
其行程事跡按日記之

二月初二日晴風自省起程申刻出郭偕行者李君
虎臣盧君輔臣韓君輔三晚宿齊河北店計程四
十里

初三日晴風鄆城尖

里三十

晚宿禹城縣西三里之禹

城橋

里四十

隨同前往之朱君繡生查君芸生陳君

耕吟俱到齊晤談許時因定次日同行早間齊河

渡河河水頗平尙易過河渡橋爲黃流冲毀每深秋水長舟渡匪易兼以雨大近年八九月間率由此坐船直抵禹城橋西

初四日晴風平原廿里鋪尖

里二十

晚宿曲六店

里四十

早饘後二十里至平原縣縣署東有顏魯公祠是日答拜朱查陳三君略談

初五日晴風黃河匡

里二十

德州南關馬市街尖

里二十

晚宿劉志廟

里十八

初六日晴風自北劉志廟始入直隸境過景州至漫

河尖

里五十

晚宿阜莊驛

里七十

景州郭北有賈闋仙製詩處君碑一董仲舒故里
石碑一城內有古塔高不知幾尋丈輪廣十餘丈
級凡十三直隸諺云滄洲獅子景州塔正定府大
菩薩相傳通省古塔未有大於是者觀此則菩薩
與獅子可想而知其大矣

初七日晴風過獻縣

三十里

臧家橋尖

三十里

過商家林

卅里

河間府

二十里

晚宿二十里鋪

府北

一路天天遇

風入直境則沙塵障面使人不耐經過府州縣郭
均極寥廓光景遠不逮山東矣

紀文達宅第間在
獻縣治之東南

莊二

初八日晴風略止任邱縣西關尖

里五十

晚宿雄縣南

關

里六十

任邱稍勝聞文風與河間故城獻縣向均

稱美近亦不乏科第之家邊中丞宅即在城內其
家至今科第尙多過鄭州十二連橋坊額已傾圮
顏曰燕南趙北橋左右徧種芙蕖雜以稻田及芋
蒲蘆荻中有港可容舟楫通焉西至滹沱東至津
沽胥從此水往過時有漁人撐舟拋網捕魚每秋
菡萏盛開北自趙北口距雄縣十里橋上南望帆
影荷香約廿餘里相傳頗爲可觀河內魴魚鯽魚
鰱魚最多亦最賤

初九日晴風午後止孔家馬頭

里三十

弓箭營尖

里二十

晚宿曲溝

里二十

雄縣南關有觀音大士閣高於郭

南城樓閣前一額云是十齡童子書滿世慈悲四字結構嚴密蒼勁可喜

初十日晴過固安縣

里三十

榆垓尖

里升

宿黃村

里五十

固

安迤北三里即混河之北永定河道暨南北岸同通等官均駐固邑河水至秋汎不時增長過渡不易自河北至黃村係沙地車行甚緩計距京僅四十里矣黃村南北俱近南海各門是爲皇上謁西陵行宮每至謁陵禮成回鑾便駐駕南海行獵

一二日始回宮南海埔廣一百六十里周以磚牆按門依地設官住守其間行宮及中伙坐落頗多舊養獐鹿黃羊白兔野獸極多用供遊獵往時可浼執事領入瞻仰近以鍾親王擁軍駐紮就其地面寬敞足資閱武設立神機營以來即在內爲操演之地仰觀不易矣其中伙茶尖之所向有燈綵帳幔等事供養佛像歲久不廢近聞駐軍不無損失誠可惜也御筆極多春秋樹并生者極多大者可六七人合抱夏間濃陰蔽日誠佳樹也擬於差旋時倩友導入觀之不審有此眼福否耳

十一日晴未刻由南西門入京住前門外楊梅竹斜街中間路北西永盛店

都門小住月餘得瞻闕廷及北海等勝境兼領畧春明諸勝概惜乏筆力未能逐細書錄姑就目擊足涉者約略書之以紀實筆墨之工拙非所計也

京師前門內迤西有回子營北對宮牆有望家樓與宮內望家樓相對蓋純廟時有回妃思家亟切上爲建是樓使妃子母登樓相望云

向聞金鰲玉蝀景極清幽因倩執事導入乃得周

覽欣幸誌之

景在內西華門裡入城即望見中有橋通焉橋畔有坊對峙曰金鰲曰玉螭迤南爲南海再入則爲中海北海中有白塔極高塔下有銅殿殿內供千手千眼觀音像玉螭內有大玉盤盤內有純廟御製詩上方有殿殿外四面磚石砌成類小城郭金鰲內有山洞外有石橋池水澄清滌人心目舊傳有舫可通南北中海對岸爲閱古樓繪四景圖是絹素約長七八丈極工過此爲琉璃門門內供千手千眼佛高不止丈六金身佛面居第三層樓

上樓內遍是小木佛像迤西爲大西天殿內有木
山一座四面可窺山上下悉供佛像其仙女像高
與人齊再西爲萬佛樓樓柱高九丈九尺亦三層
墻際鉗小佛像九千九百尊其正面坐像亦百餘
尊莊嚴整肅令人神悚南去爲琉璃殿門窻戶壁
悉以五色瓦鉗成再入重門爲楠木殿供自來佛
四尊俱鐵鎧甲內有連理樹四株高二丈許今有
一株不連再入有歡喜佛殿內佛四對俱裸體相
傳能自交金鰲玉螭西爲紫光閣閣內置至寶馬
鞍八副設寶座二一白象一獨龍肩閣內繪平金

川功臣像及忠親王僧邸像復有殿殿上有樓殿
閣宏麗莫能形狀聊記此不能道萬分之一也宸
垣識略一書擬購觀焉

三月十九日申自京起程晚宿通州

四十里

通州居京

之東古潞州地城周九里十三步東即石壩土壩
爲南艘全歇運卸載處城內極繁盛倉場總督暨
坐糧廳駐紮處順天學院考院在焉通永道東路
同知督糧通判及各場監督署均駐城內往年河
運暢通南糧全數到壩各省船齊抵東關河下萬
艘雲集夙稱衝繁富庶之區近改海運僅抵津沽

潞河風景爲之頓減惟願河運能通不難復觀承

平之盛

二十日燕郊

路三十里沙河界

夏店尖

里升

宿棗林

五里

用東

錢自此始每京文三百三爲一千過三河南關自

此到山海關沿途二三十里均有店

廿一日段家嶺

里升

邦均尖

三升

里以前

陰鄰

里冊

宿別山

里升

按別山接連翠屏相傳即水濟揚雄殺妻處遠

連十八盤地近東陵山勢頗壯

二盤

斤山

梨一

枚大

又可

確兒

梨色稍紅
味亦極佳

廿二日綵亭橋尖

里三十

宿玉田縣東關

里升

在前爲薊

州玉田薰火腿甚佳值彼優戲因偕同友往觀劇

廿三日亮甲店

里十五

沙流河尖

里十五

閭家鋪

里十五

晚宿

豐潤縣南關

里二十

閭家堡有橋名榮輝縣西三里

有還鄉河爲宋徽宗留題處鯽魚味極美學署舊
藏古器二一象尊爲古磁其質頗粗色綠而潤貯
食物經夏不變味一牛鼎古銅鑄成約重數十斤
三角俱牛首其形圓高二尺深一尺有奇色深紅
內有古篆百餘字拓其全文知是周器小住一日
乃得觀此縣治西南三里許爲天宮寺每春暮縣
人作會寺內外悉設貨攤寺不甚廣大而局勢嚴

整適逢作會縣署及營汎教佐俱往彈壓寺之西
爲塔院左方爲磚窰塔前後兩楹供佛像塔居其
中歷階而升至塔底塔不甚高用磚石實其中相
傳爲唐太宗征高麗時葬陣亡將士於其下因建

斯塔

或曰唐時所築在京中
之報恩寺內未知孰是

塔下有臺名資生臺

寺前戲樓在門外數十武臺極高觀者日以萬計
津門小班幼童四五十人演太白醉寫和蠻詩及
落馬湖諸劇頗有可觀因流連數小時然後歸寓
會場見小兒生三手一手生於左背又有箭猪又
一小兒足極軟不良於行益見造物生人真是無